

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i Programa utroška budžetskih sredstava u 2022. godini „Podrška javnim tijelima u pripremi projekata javno-privatnog partnerstva“, na prijedlog Ministarstva za privredu, Vlada Zeničko-dobojskog kantona, na 183. sjednici, održanoj dana 01.12.2022. godine, d o n o s i

ZAKLJUČAK

I.

Daje se saglasnost na Uputstvo za dodjelu sredstava po Javnom pozivu za finansiranje dijela troškova pripreme prijedloga projekata javno-privatnog partnerstva (JPP) u 2022. godini, broj: 04-11-16487-1/22 od 17.11.2022. godine, koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/22
Datum, 01.12.2022. godine
Z e n i c a

PREMIJER

Mirnes Bašić

DOSTAVLJENO:
1x Ministarstvo za privredu,
1x a/a.

**Bosna i Hercegovina
Federacija Bosne i Hercegovine
ZENIČKO-DOBOJSKI KANTON**



MINISTARSTVO ZA PRIVREDU/GOSPODARSTVO

**Bosnia and Herzegovina
Federation of Bosnia and Herzegovina
ZENICA-DOBOJ CANTON**

MINISTRY OF ECONOMY

**UPUTSTVO
ZA DODJELU SREDSTAVA PO JAVNOM POZIVU ZA FINANSIRANJE
DIJELA TROŠKOVA PRIPREME PRIJEDLOGA PROJEKATA
JAVNO-PRIVATNOG PARTNERSTVA (JPP) U 2022. GODINI**

Zenica, novembar 2022. Godine

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i Programa utroška budžetskih sredstava u 2022. godini „Podrška javnim tijelima u pripremi projekata javno-privatnog partnerstva“, ministar Ministarstva za privredu Zeničko-dobojskog kantona, uz saglasnost Vlade Zeničko-dobojskog kantona, donosi:

**UPUTSTVO
ZA DODJELU SREDSTAVA PO JAVNOM POZIVU ZA FINANSIRANJE
DIJELA TROŠKOVA PRIPREME PRIJEDLOGA PROJEKATA
JAVNO-PRIVATNOG PARTNERSTVA (JPP) U 2022. GODINI**

I OSNOV ZA DONOŠENJE UPUTSTVA ZA DODJELU SREDSTAVA PO JAVNOM POZIVU ZA FINANSIRANJE DIJELA TROŠKOVA PRIPREME PRIJEDLOGA PROJEKATA JAVNO-PRIVATNOG PARTNERSTVA (JPP) U 2022. GODINI

U skladu sa članom 24. Zakona o javno-privatnom partnerstvu („Službene novine Zeničko-dobojskog kantona“, broj: 6/16), Vlada Zeničko-dobojskog kantona je donijela Program utroška budžetskih sredstava u 2022. godini „Podrška javnim tijelima u pripremi projekata javno-privatnog partnerstva“.

Program utroška budžetskih sredstava u 2022. godini „Podrška javnim tijelima u pripremi projekata javno-privatnog partnerstva“ donešen je u skladu sa članom 28. stav (2), članom 29. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2022. godinu, („Službene novine Zeničko-dobojskog kantona“, broj: 1/22, 14/22 i 18/22). Program je usaglašen sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu.

Programom utroška budžetskih sredstava u 2022. godini „Podrška javnim tijelima u pripremi projekata javno-privatnog partnerstva“ utvrđeni su kriteriji na način da će Ministarstvo za privredu raspisati javni poziv za dodjelu sredstava, u skladu sa Uputstvom za dodjelu sredstava u 2022. godini.

II IZVOR FINANSIRANJA

Budžetom Zeničko-dobojskog kantona za 2022. godinu, („Službene novine Zeničko-dobojskog kantona“, broj: 1/22 i 14/22) planirana su finansijska sredstva na razdjelu 18, budžetska organizacija 01, ekonomski kod 614100 IAD005 – Podrška javnim tijelima u pripremi projekata javno-privatnog partnerstva iz Kataloga projekata 2021 u iznosu **50.000,00 KM**.

III UPUTSTVO ZA DODJELU SREDSTAVA U 2022. GODINI

U skladu sa Programom utroška budžetskih sredstava u 2022. godini „Podrška javnim tijelima u pripremi projekata javno-privatnog partnerstva“ Ministarstvo za privredu donosi Uputstvo za dodjelu sredstava po Javnom pozivu za finansiranje dijela troškova pripreme prijedloga projekata javno-privatnog partnerstva (JPP) u 2022. godini.

**JAVNI POZIV ZA FINANSIRANJE DIJELA TROŠKOVA PRIPREME
PRIJEDLOGA PROJEKATA JAVNO-PRIVATNOG PARTNERSTVA (JPP)
U 2022. GODINI**

Ciljevi: Strategijom razvoja Zeničko-dobojskog kantona za period 2021.-2027. godina, model javno-privatnog partnerstva je prepoznat kao jedan od načina ne samo za unapređenje javnih usluga, već i za poticanje ekonomskog razvoja kantona u cjelini, a naročito lokalnih zajednica te za olakšavanje investicija privatnog sektora.

U skladu sa tako postavljenim strateškim odrednicama, a u cilju unapređenja primjene Zakona o javno-privatnom partnerstvu i podzakonskih akata, te unapređenja primjene modela javno-privatnog partnerstva Vlada Kantona će sufinansirati pripremu projektne dokumentacije (idejni projekti, studije izvodljivosti i dr.) za projekte koje javna tijela, u skladu sa Uredbom, identificiraju u Katalogu projekata. Na ovaj način će se osigurati 100% uvećanje sredstava uloženi u ekonomski razvoj (kooperacija sa drugim javnim tijelima).

Prihvatljivost podnosioca prijave:

Pravo učešća imaju javna tijela na području Zeničko-dobojskog kantona i to:

- a) organ uprave i upravne organizacije jedinica lokalne samouprave (u daljem tekstu JLS) sa područja Kantona,
- b) javne ustanove i javna preduzeća čiji je osnivač i većinski vlasnik JLS,

nadležna za pružanje predmetne javne usluge koja su, u skladu sa zakonskim okvirom za JPP Zeničko-dobojskog kantona (Zakon o javno-privatnom partnerstvu - „Službene novine Zeničko-dobojskog kantona“, broj: 6/16; i Uredbe o identifikaciji, pripremi, ugovaranju i praćenju projekata javno-privatnog partnerstva - „Službene novine Zeničko-dobojskog kantona“, broj: 3/17), identifikovali potencijalne projekte javno-privatnog partnerstva (JPP) u 2021. godini u Zbirnom pregledu potencijalnih projekata javno - privatnog partnerstva Zeničko-dobojskog kantona 2021.- 2023. godina i imenovala radna tijela za pripremu prijedloga projekata JPP.

Javno tijelo koje je predlagatelj potencijalnog JPP projekta može podnijeti zahtjev za finansiranje dijela troškova pripreme prijedloga za jedan potencijalni JPP projekat iz Zbirnog pregleda potencijalnih projekata javno- privatnog partnerstva Zeničko-dobojskog kantona 2021.- 2023. godina.

Dodjela finansijskih sredstava:

Sredstva podrške su namijenjena za finansiranje dijela troškova pripreme prijedloga JPP projekata u 2022. godini, odnosno za finansiranje dijela sljedećih troškova:

- a) Izrada projektne dokumentacije:
 - Tehnička dokumentacija (npr. energijski pregledi, elaborate, idejno rješenje i/ili idejni projekat, i sl.);
 - Studija opravdanosti za JPP.

Maksimalni iznos sredstava koji se može odobriti za izradu projektne dokumentacije po projektu je 10.000,00 KM.

- b) Naknada za stručne konsultante za podršku pripreme i razvoja projekta JPP (konsultant pravne, ekonomske ili tehničke struke za bilo koju fazu JPP projekta)

Maksimalni iznos sredstava koji se može odobriti za stručne konsultante po projektu je 5.000,00 KM.

Javno tijelo može podnijeti zahtjev za jedan projekat iz Zbirnog pregleda potencijalnih projekata.

Zahtjev se može odnositi na finansiranje troškova navedenih pod tačkama a) i b) ili samo po jednoj od navedenih tačaka.

Kriteriji za evaluaciju projektnih prijedloga:

Raspodjela sredstava će se vršiti prema stepenu vlastitog finansijskog učešća u ukupno procijenjenim troškovima pripreme prijedloga JPP projekta, kako slijedi:

DO 50 % 1 BOD

OD 51 % DO 60 % 2 BODA

OD 61 % DO 70 % 3 BODA

OD 71 % DO 80 % 4 BODA

OD 81 % DO 90 % 5 BODOVA

≥ 91 % 6 BODOVA

Sredstva će se odobravati projektima prema bodovnoj listi od najvećeg broja na niže, do krajnje raspodjele ukupnog iznosa budžetskih sredstava namjenjenih za ovu podršku.

Javno tijelo će obezbijediti podatke o izdvojenim finansijskim sredstvima kroz prijavni obrazac i budžet, zajedno sa izjavom o opredjeljenom iznosu sufinansiranja.

Prijava treba da sadrži sljedeće dokumente i priloge:

Javno tijelo koje aplicira obavezno dostavlja sljedeće dokumente:

- Popunjen i ovjeren obrazac Zahtjeva (dostupan na web stranici Vlade Kantona);
- Izjavu o saglasnosti (dostupna na web stranici Vlade Kantona);
- Akt o imenovanju radnog tijela za pripremu JPP projekta (original ili kopija);

U zavisnosti od vrste troškova za čije finansiranje se podnosi Zahtjev, javno tijelo također podnosi:

- a) Dokaz o ugovorenim uslugama - izrada dijela/dijelova tehničke dokumentacije:
 - Ugovor zaključen sa ponudačem o izradi dijela projektne dokumentacije - original ili ovjerena kopija,
- b) Dokaz o angažovanju stručnog konsultanta
 - Ugovor zaključen sa stručnim konsultantom - original ili ovjerena kopija.

Važne napomene:

Zahtjev koji ne sadrži svu dokumentaciju traženu Javnim pozivom, koji nije pravovremen odbacuje se zbog neispunjavanja formalno-pravnih uslova, bez obaveze daljnjeg razmatranja.

Naknadne izmjene i dopune zahtjeva, dostavljene nakon isteka roka za podnošenje zahtjeva, se neće uzimati u obzir.

Obaveze korisnika sredstava:

Javno tijelo kojem Odlukom Vlade budu odobrena sredstva obavezno je:

- odobrena sredstva koristiti namjenski u skladu sa dostavljenim zahtjevom;
- obavijestiti Ministarstvo o problemima koji su od posebnog značaja za realizaciju sredstava, koji mogu da utiču na kašnjenje ili potpunu obustavu realizacije, ili o nepovoljnim uslovima koji mogu utjecati na realizaciju sredstava;
- dostaviti izvještaj o utrošku odobrenih sredstava sa podacima o toku pripreme prijedloga JPP projekta u roku od 3 mjeseca od dana uplate sredstava od strane Ministarstva.
- pridržavati se i poštivati sve pozitivne zakonske propise prilikom pripreme prijedloga JPP projekta;

Način podnošenja aplikacije:

Zahtjeve za odobravanje subvencioniranja troškova po ovom Javnom pozivu, podnosioci zahtjeva moraju dostavljati u zatvorenoj koverti.

Na poledini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Zatvorene koverta dostavljaju se lično na Protokol Zeničko-dobojskog kantona ili putem pošte na sljedeću adresu:

ZENIČKO-DOBOJSKI KANTON

Ministarstvo za privredu

**SEKTOR ZA NEPROIZVODNE DJELATNOSTI, RAZVOJ I OBRT PO JAVNOM
POZIVU ZA DODJELU FINANSIJSKIH SREDSTAVA PODRŠKE JAVNIM
TIJELIMA ZA PRIPREMU PRIJEDLOGA JPP PROJEKATA**

Kučukovići br. 2

Zenica, 72 000

**S naznakom: "NE
OTVARATI"**

Prijave dostavljene drugim putem (npr. putem faksa ili e-mail), neće biti uzete u razmatranje.

IV ROK

Javnim pozivima precizirat će se rok za dostavu dokumentacije odnosno krajnji datum dostave dokumentacije.